

الفصل السابع والأربعون

كانت الساعة تقترب من الثانية صباح يوم الاختبار .. والدنيا ضلمه في وشي .. من المرحوم الماكيث المحطم والمنهار .. دعوت الله بحسن التصرف والاستعمال .. والخروج من هذه الكارثة والورطة بأقل خسائر أو دمار .. جريت على مكتبي (صرفيه الملازمين ايديال بدرج واحد) وإذا .. إذا .. استطعت الدخول والنجاح في الجلوس أرجلك تطلع رفساً من الأمام ويبقى باقي جسمك معلق ومحشور وممسك بإيديك الاتين بحتة صاج بعرض ٥سم في طول ٢٠سم وهي أرضية المكتب الفخيم وكانوا يصرفوا معه جندي (لبيسة) للمساعدة في الحشر والدخول والطلوع .. كتشريفات رئيس المؤتمرات؟ .. اصطحبت رفيقي في الكفاح وكبير الياوران المخلص الأمين الجندي نجيب وكان من الشرقية وعزيز النفس والسرية، وكنت أتعامل معه كأخ عزيز فعلاً ليا .. وفتحنا الدرج بالغاز والبارود .. والسكين والجاز والوقود .. وأخرجنا جميع أدوات اللزق واللصق شفافة أو سائلة .. سواء سوليتب أو سكوتين .. وعجين أو صلصال .. وذهب الجندي نجيب متسلقاً الأشجار وأحضر بعض الأفرع والأغصان .. من جميع الأحجام والأطوال .. لاستعمالها كالجيرة .. لمدارة وعلاج الكسور المريعة .. وبعد ست ساعات متواصلة وشاقة ومؤلمة .. مصحوبة بالتوتر والتشنة واللهوجة .. بنت .. لا .. ولد ..! .. أكرمني وأجبرني ربي .. وكان منظر

الماكيت طبيعياً ظاهرياً.. ومنهاراً داخلياً.. ومتماشياً مع اسم المشروع.. إنقاذ.. دون (مني).. دفاع.. لأنني مش قادر على أخويا الكبير حسني.. وهاتولي حقي.. ولا عشان هو كبير وصاحبكم.. وأنا غلبان وصغير..! ربنا كبير.. ويشيل ويحط.. على المزوغين وعن حق القرأى هربانين!.. وعيش وأكل منين؟.. على فكرة ربنا مش حايبارك.. ودعواتي حاتصيب حالك؟.. وترجعوا تدموا وتقولوا معلىش دا احنا بيك بنستبارك!.. يعني تاكلوني ولا إيه.. أنا ضعيف ولا إيه؟ لاحول ولا قوة إلا بالله.. وهو فقط حايجيلي حقي.. ويا ويلكم وبياض ليلكم!.. المهم عملت حركة خبيثة عشان كنت أسمع عن ذكاء والدنا اللواء الصبان ذكي جدا ومش سهل وعارف كل الحيل والألاعيب.. والحركات والمناورات.. في كل الحاجات!.. أحضرت علبة الألوان المائية وزودت المية ورشيت الألوان على الماكيت.. سواء المباني أو الخضرة أو الأرضية.. ليه (حاقولكم بعدين).. وبالألوان الزيتية دهنت السيارات بألوانها (بعد تجبيرها) بألوانها الأصلية والزاهية.. بس خليتها طرية ومندية.. (وحاقولكم برضه ليه).. اهدوا ما تستعجلوش.. عشان للي في مخي ما تعرفوش.. وكان الماكيت كالشخص المريض المتلصم والفريد.. بالأدوية والحقن والأسافين!.. خدت إيه أنا من كلمة متأسفين.. يا مبقعين.. وعن حقي مطنشين؟..

وجاء اللقاء الأول بيني وبين سعادة المساعد اللواء الكبير يوسف بك الصبان .. وبدأ الاختبار .. كانت السرية منتظمة ومصطفة على شكل مربع ناقص ضلع .. وفي المنتصف فريق الإنقاذ والدفاع والإسعاف من سبعة أفراد سأل سيادته: فين قائد الفريق .. ده .. والنائب .. أهوه .. والمساعد .. في وش سعادتك .. ساب الكل وراح لآخر جندي وقعد يسأله ؟

مش باقولكم .. دهاء وذكاء .. والحمد لله إني كنت محفظ كل السرية كل المعلومات وأجاب الجندي باقتدار .. اقترب الصبان بك من الماكيث ولاحظ سيادته برطمتي بكلمة يا حوستي (حسني) .. مالك مش على بعضك .. بتقول إيه .. لا يا فندم تراجع المشروع .. دلوقتي .. أصل منمناش ٣ أيام متصلة يا فندم .. إيه الضباط الورق دي .. ؟ .. أنا سوليفان بالألوان .. إيه ؟ .. ابنك الغلبان يا فندم .. ! ولسه حايطح إيدو ويلمس أرضية وخضرة الماكيث .. أنا لسه راششها دلوقتي يا فندم .. عشان إيد سعادتك ما تغرس ؟ .. أقصد ما تتبلش يا فندم ! .. طب وإيه العربيات دي بيمد إيدو يمسكها .. دي يا فندم لسه مدهونة احتفالا بقدوم معاليك .. ديه بتقرم الصوابع يا فندم .. إيه .. عشان إيد سعادتك ما تبقعش .. طيب .. وأنا في الحجل .. خايف صوابع سيادته تلعب وتفرز وما تطلعش .. والماكيث يقع عليا وما أقومش .. وبالوظيفة ما أكملش .. وعليكم ما يحكمش .. بالورطة اللي ربنا سترها معايا وعليا .. وجاءت النتيجة .. إدارة الحملة الفائز الأول بقيادة أستاذنا العظيم

الكريم والمخلص والأمين والشهم الحنين المقدم جودت حامد..
ثم بحمد الله سريتنا بقيادة أخونا الكبير اللذيذ الظريف القائد
والوجيه الشناوي ومعه زميلنا الطيب والإنسان الغالي والعزيز
محمد عبد المطلب الكفاي وأنا.. ثم سرية أخونا الجاد والمحبوب
صادق النية والمثابر والخلوق أحمد نبيل..

عرف يوسف بك الصبان بما حدث لي من واقعة الماكيت
الحقيقية ومن يومها حطني في دماغه.. قبضت المرتب والمكافأة
وتوجهت إلى صاحب محل السيارات وأفرغت له ما في المغارة
(جيبتي).. ورحت أكوع في المنارة (مقابر المنارة).. لحين مرتب
الشهر التالي.. وأخ.. منكم.. ياني؟

